

ADASA NDZINOA HO DAWURBO

NYIENYIM

Onam de adasa hon enyimnyam ye per na ndzinoa a obi nngye mmfi hon nsamu a wawo no ngyetomu nye wiadze yi mu fahodzi, perperdzi, ntsentsenenee na asomdwee ne fapem;

Onam de tsia a yetsiatsia nyimpa ne ndzinoa do no dze ewurkadze nwenwen a obiara tsia aba, na afei so waboo wiadze a rebba a no mu nyimpa benya fahodzi wo kasa, gyedzi, suro na ohia ho dawur de nyimpapem nyina hon ahwehwedze tsitsir,

Onam de ohia pererepe de yempe de yeye adasa ndzinoa ho mbra,

Onam de ohia de wotu aman na aman ntamu anyenkoye nkitahodzi mpon,

Onam de Amanaman Nkabomu Kuw mu nyimpa nyina edua Farbaa Nwoma no do agye hon gyedzi a wo adasa awose ndzinoa, nyimpa n'enyimnyam na nyimpa no bo a som, na mbanyin na mbaa hon ndzinoa a ye per ato mu na waboo hon enyim biriw de wobotu asetsena mu kanko na atseyie mpon,

Onam de aman a wodom Amanaman Nkabomu Kuw no abo odabaa de wonye Kuw no beye ahwehwe amansuon nyina enyiedzi ama adasa ndzinoa na awose fahodzi ntsi.

KUW NO BAGUA KESE NO

Paa mu ka de:

Afei,

NHYIAMU KESE NO YI ADASA NDZINOA HO DAWURBO no kyere de: ono nye nhwhedodze tsitsir a wo ho ma nyimpa na aman nyina, ama ankorankor biara na nyimpa kuw biara, se wodze dem dawurbo yi si hon enyim a, waboo mbodzen edua nkyere na adzesua do ama nkorofe eedzi ndzinoa na fahoazi ahorow no nyi; na waaatoo do afa honara hon man na amanaman nhyehyee do wama waaagye dawurbo yi ato mu na woedzi do wo Aman a wodom Nkabomu Kuw no mu biara mu nye asaase biara a whye hon ase no so do.

Asempow 1

Wowo adasa nyina to fahodzi mu, na hon nyina ye per wo enyimnyam na ndzinoa mu. Woma hon nyina adwen na tsibowa, na wo de hon nkitahodzi mu ndzeyee da no edzi de woye enuanom.

Asempow 2

Obiara wo ndizona na fahodzi a wada no edzi wo Dawurbo yi mu no ho kwan a nyiyimu biara nnyi mu a ofa no obi n'awosu anaa no honamenyi ngyegyee mbre otse, de oye banyin anaa oye basia, ne kasaa a oka, ne nyamesom mbre otse, amanye ho adwen a wo, ne man anaa asetsena mu gyinabew a ofi mu, egyapadze a wo, n'awofo hon gyinabew anaa gyinabew fofor biara so a wo ho. Bio, onnyi de wogyina oman a obi fi mu no n'amanye kwan, ne mbra anaa n'amanandze gyinabew do-de oman no dzi ne mansin, de ohye oman bi no nhwedo ase, anaade onnyi fahodzi, ye nyiyimu tsia nyimpa no.

Asempow 3

Nyimpadua no nkwa, ne fahodzi, na no tatrato ye obiara ne ndzinoa.

Asempow 4

Onnyi de wodze obiara to nkowaasom mu anaade woma osom osomhun; wo de wogu nkowaasom na ndonkogua korakora.

Asempow 5

Onnyi de woye obiara ayakayakadze, etsiodzendze anaa enyinyandze anaa wotsea no anaa woma no asotwe biara a osee dasanyi n'enyimnyam.

Asempow 6

Oye obiara ne ndzinoa de, mbra mu, wobu no de nyimpa wo beebiara.

Asempɔw 7

Nyimpa nyina ye per wɔ mbra no enyim, na hɔn nyina fata mbra no ne ntwitwagyɛ a nyiyimu nnyi mu. Obiara wɔ ho kwan de mbra no bɔ no ho ban tsia nyiyimu a obu Dawurbɔ yi mu nsempɔw no mu biara do no, nye nunu biara a wonunu nyimpa ma ɔye ma ɔye nyiyimu no.

Asempɔw 8

Obiara a wɔayɛ bɔn etsia ne ndzinoa a mbra na amambu ho mbra ma no ho kwan no, wɔ ho kwan de odua asendzi baguafo do gye nsiesie anaa mpata a ɔfata.

Asempɔw 9

Onnyi de abotsirmu ara wɔkyer obi, wɔdze no sie, anaa wotwa no esu.

Asempɔw 10

Obiara wɔ ho kwan de bagua asendzifo a wɔnntɔn hɔn asowa nndzi tsena hwɛhwɛ n'asɛm mu pefee wɔ ne ndzinoa, n'asadze anaa ewudzisɛm ho sombo bi a wɔdze abɔ no ho.

Asempɔw 11

1. Obiara a wɔabɔ no sombo bi a ɔdze ntsea nam no wɔ ndzinoa de wobu no de odzi bem kesi de, woedzi n'asɛm ama no kwan biara a ohia de ɔdze tstsew no ho, na wobu no fɔ de mbrɛ mbra kyerɛ.
2. Onnyi de wobu obiara fɔ na wɔtsea no wɔ ndzeyɛɛ bi a ɔnnye ntsea nam ase. Na eso onnyi de wɔma obi ntsea a ɔbor no mfomdo a ɔayɛ no ho ntsea do.

Asempɔw 12

Onnyi de abotsirmu ara wɔdze ɔho hyehye obi no kɔkoamunsem, n'ebusuasem anaa n'efisem mu; anaade wogu n'enyimnyam na ne dzin ho fi. Ɔye obiara ne ndzinoa de mbra bɔ no ho ban tsia ndzeyee a ɔtsetse dem yi.

Asempɔw 13

1. Ɔye obiara ne ndzinoa de okyinkyin na ɔtsena ɔman bi n'asaase do bea biara a ɔpe.
2. Ɔye obiara ne ndzinoa de ofi ɔman biara mu (noara ne man kã ho) na ɔsan ba ne man mu bio.

Asempɔw 14

1. Obiara wɔ ndzinoa de ɔhwehwe na onya guansuma wɔ ɔman bi do fi atsetsee ho.
2. Onnyi de dem ndzinoa yi wobisa wɔ bɔn bi a ɔmma manye ho anaa otsia Amanaman Nkabɔmu Kuw no ne nhyehyee a onyia no aye ma woridzi n'asem wɔ ho biara ho.

Asempɔw 15

1. Obiara wɔ ndzinoa de ɔye ɔman bi ba.
2. Onnyi de abotsirmu ara wɔma obi hwer n'amambaye, anaade wɔmma no kwan mma ɔnnsesa n'amambaye.

Asempɔw 16

1. Ɔye mbanyin na mbaa a hɔn enyi efir hɔn ndzinoa de wɔwar na wɔwo mba, na awosu, amambaye anaa nyamesom nnsiw iyi ho kwan. Mbanyin na mbaa nyina hɔn ndzinoa a wɔwo no awar ho no ye per wɔ awar ber no mu nye awar no ngui no mu so.
2. Adze ara a ɔwo de awar no gyina do nye asakuw ebien a wɔrowar no hɔn pe a nhye nnyi mu.

3. Okun, ɔyer na mba bɔ mu kor dɛ abɔasee kuw a nyimpa kuw biara ne farbaa fi mu wɔ adasa mu, na ɔye hɔn ndzinoa dɛ nyimpakuw no na ɔman no bɔ hɔn ho ban.

Asempɔw 17

1. Obiara wɔ ndzinoa dɛ onya egyapadze a ɔye no nko nedze, anaade ɔnye nkorɔfo bi bɔ mu nya dɛm egyapadze no.
2. Onnyi dɛ abɔtsirmu ara wɔgye obi n'egyapadze fi ne nsamu.

Asempɔw 18

Obiara wɔ ndzinoa dɛ ɔye n'adwen, ɔsoa noara ne tsibowa, ɔfa nyamesom biara a ɔpe. Dɛm ndzinoa yi ne fã bi nye kwan a obiara wɔ dɛ ɔsesa ne nyamesom anaa ne gyedzi na kwan so a ɔfa do dze ma ne gyedzi no da edzi wɔ bagua mu anaa nsumaa mu, dɛ ɔno nko anaade nyimpa binom kã ho wɔ iyi mu.

Asempɔw 19

Obiara wɔ ho kwan dɛ ɔkyere n'adwen wɔ biribi ho. Dza ɔkã dɛm ndzinoa yi ho nye dɛ obiara botum aye n'adwen wɔ biribi ho a ntotoananmu biara nnyi mu. Dza ɔkã ho bio so nye dɛ otum anaa otsie asem nye nsusui biara a ɔnam kwan biara do na efi mbea nyina, na ɔma nyimpa binom so tse.

Asempɔw 20

1. Obiara wɔ kwan dɛ ɔko nhyiamu a ɔye asomdwee ase, na ɔdɔm fɛkuw biara.
2. Onnyi dɛ wɔhye obiara ma ɔdɔm fɛkuw bi.

Asempɔw 21

1. ɔye obiara ne ndzinoa dɛ osuo mu ma wobu ne man dɛ ɔnoara dzi bano wɔ mu, anaade obosuo mu ma woeyi ananmusifo.

2. Ɔye obiara ne ndzinoa de onya kyefa wo zman adɔdɔdze biara a wo ne man mu no mu.
3. Ɔwo de aban no tum gyina zmamfo hon pe do. Dem pe yi wonam ambatow a no mu da ho a wɔtow no ne ber ano do da no edzi, akorɔfo a wɔasɔ ambatow no wo de wɔma wɔtow amba wo nsumaa mu a nhye biara nnyi mu.

Asempɔw 22

Ankorankor biara, de zye zmamba bo, wo ndzinoa de zman no bo n'eyiedzi ho ban. Ɔwo de wɔfa zman no no mbɔdzen do, anaa bataboa bi a dem zman no nye zman fofor bi ye do ma zmamba biara n'eyiedzi ba mu de mbre zman kor no ne sikasem, n'asetsena na n'amambra no tum a zma n'enyimnyam dzi mu no tse.

Asempɔw 23

1. Obiara wo ndzinoa de zye edwuma. zye ne ndzinoa de zfa edwuma a zpe de zye, na zye ne ndzinoa de wɔma no edwumaye mu nhyehyee pa, na wɔbo noho ban fi fietsena ho.
2. Ɔye obiara ne ndzinoa de wɔma no akatua a zfata n'edwuma a zye a, nyimpa nyiyimu biarannyi mu.
3. Obiara a zye edwuma no wo ndzinoa de onya akatua a zse na ztsen a zɔema znye n'ebusuafo enya asetsena a zfata nyimpa n'enyimnyam, na se ohia mpo a, wo de wɔdze asetsena mu nhyehyee ho ekyigyina bi foa akatua no do.
4. Ɔye obiara ne ndzinoa de ztsew anaa zɔm edwumayefo kuw bi dua do dze bo n'eyiedzi ho ban.

Asempɔw 24

Obiara wɔ ahomgye na bɔndɔdziber ho kyɛfa; mber a wɔahyehye a ɔmma edwumayɛ mmbor do, na akwanma ber a wotua odwumayɛnyi no kaw so kã iyi ho.

Asempɔw 25

1. Obiara wɔ ndzinoa dɛ ɔnye n'ebusuafo nya asetsena yi mu eyiedzi a ɔbɛma woenya ahɔɔzen nye asetsena pa, edziban, akataho, tsenabew, eduyɛ na asetsena mu nhyehyɛɛ pa.
2. Ɔye obiara ne ndzinoa so dɛ, zɛ ɔhwer n'edwuma, ɔyar, onya dzɛmdzi bi, no hokafo wu, mpanyinyɛ ma ɔye mberɛw, anaadɛ biribi ama ma onntum nnhwe noho a, onya asetsena mu ekyigyina. Ɔwɔ dɛ mbasiafo a wotur mba na mbofra nyina wɔma hɔn mboa soronko. Mbofra nyina, dɛ wɔwoo hɔn wɔ awar ase, anaadɛ wɔwoo hɔn wɔ sɔnmu, wɔ dɛ wɔma hɔn asetsena mu bambɔ pɛr.

Asempɔw 26

1. Ɔye obiara ne ndzinoa dɛ ohu nwoma. Mbofraber mu nwomasua na ahyɛse nwomasua a ɔtse dɛm no nnyi dɛ wɔgye ho sika. Ɔye nhyɛ dɛ abofra biara nya mbofraber mu nwomasua. Ɔwɔ dɛ wɔma mfirdwuma, na nsaanodwuma ho adzesua nye dwumadzi horow ho nwomasua ye beberee. Suapɔn mu nwomasua so wɔ dɛ ɔye beberee na obiara a no mbɔdzembɔ fata no wɔma no ho kwan.
2. Ɔwɔ dɛ nwomasua nyina no botae ye dɛ ɔhwehwe nyimpa dasanyi no mu nyina no mpontu nye enyidzi kɛse a ɔbɛba nyimpa mu wɔ adasa hɔn ndzinoa ahorow a wɔwɔ no ho. Ɔwɔ dɛ otu ntsease, gyaamu-ma-ɔnka na anyɛnkoyɛ mpon wɔ aman, nyimpakuw na nyamesom ho ekuw nyina mu; na ɔbɔboa atow Amanaman Nkabɔmu Kuw no dwumadzi akɔ kan dze ama asomdwee eetsim.
3. Awofɔ wɔ ndzinoa dɛ wɔbɛkyerɛ nwomasua kor a ɔwɔ dɛ hɔn mba nya.

Asempɔw 27

1. Obiara wɔ ndzinoa de ɔdze noho fora ne man m'amambra mu na onya enyigye fi ɔman no n'amandze nsaanodwuma mu na onya kyɛfa wɔ abɔdze nyansape na mfaso a ɔdze ba no mu so.
2. Obiara wɔ ndzinoa a ofi abɔdzenyansape, nwomasua ana a mandze, nsaanodwuma adzeyɛ bi a noara dze bɔbɔ adze no mu ba no ne bambo no mu.

Asempɔw 28

Obiara wɔ ho kwan de onya kyɛfa wɔ asetsena ana amanaman nhyehyɛɛ a okitsa ndzinoa na fahodzi horow a wɔada no edzi wɔ dem Dawurbo wɔ Mpaamukã yi mu no mu.

Asempɔw 29

1. Obiara wɔ asodzi wɔ nyimpa kuw a ɔtse hɔn mu no mu; hɔ nko ara nye bea a no mpontu a odzi mu botum aba a akwansiwdze bi nnyi ho.
2. Ber a obi dze ne ndzinoa na ne fahodzi ridzi dwuma no, ɔwɔ de ɔye dza mbra hwehwɛ wɔ no hɔ ama binom so eenya hɔn kyɛfa nye hɔn fahodzi. ɔwɔ de onya no bɔ bra tseneneɛ na ɔye guadoadzeyɛ de mbrɛ ɔdodow amambu mu eyedzi adzeyɛ ho ntsetsee tse.
3. Onnyi de wɔfa kwan biara a otsia Amanaman Nkabɔmu Kuw no ne nhyehyɛɛ do dze hwehwɛ ndzinoa na fahodzi ahorow yi.

Asempɔw 30

Onnyi de nyimpa biara ma nkyerɛase wɔ Dawurbo yi mu nsem yi ho a ɔbɛma ɔman, nyimpakuw ana ankorankor bi tum ma ɔaaye biribi a ɔbɛsɛɛ ndzinoa na fahodzi ahorow a wɔada no edzi wɔ nwoma yi mu no.